



Pou Piblikasyon Imedya: 08/07/2023

GOUVÈNÈ KATHY HOCHUL

**GOUVÈNÈ HOCHUL EGZÒTE MOUN NEW YORK POU YO PREPARE POU PLIS
GWO LAPLI AK INONDASYON POTANSYÈL DIMANCH AK LENDI**

***Potansyèl gwo lapli ak pousantaj chit lapli soti nan youn rive nan de pous pa
èdtan ka lakòz inondasyon rapid***

***Alèt inondasyon yo aktyèlman anvigè pou kèk pati nan Rejyon Kapital la, Mid-
Hudson, Vil New York, ak rejyon North Country***

***Tanpèt ta ka pote jiska kat pous lapli nan lendi epi lakòz plis inondasyon nan zòn
ki te afekte anvan pa gwo lapli***

***Gouvènè a ankouraje Nouyòkè yo pou yo siveye kondisyon metewolojik yo ak
prepare kont inondasyon posib***

Gouvènè Kathy Hochul jodi a te egzòte Nouyòkè yo pou yo prepare pou plis move tan ki ta gen enpak sou pifò eta a dimanch jiska lendi tankou lapli ak tanpèt yo prevwa pou kèk pati nan rejyon Kapital la, Mid-Hudson, Mohawk Valley, North Country ak rejyon Southern Tier, ansanm ak Vil New York. Yo prevwa inondasyon lokalize nan zòn iben yo, wout yo ak ti riso yo. Chit lapli sou tè ki deja satire ka lakòz yon inondasyon toudenkou posib dimanch rive lendi. Gouvènè Hochul te egzòte Nouyòkè yo pou yo prete atansyon ak previzyon lokal yo epi pou yo enskri pou alèt ijans yo.

"Pandan fen semèn nan, kèk pati nan eta a ap kontinye gen risk pou inondasyon akòz tanpèt ki pote gwo lapli, espesyalman nan zòn sa yo ki deja frape di pa lapli ak inondasyon nan de jou ki sot pase yo", **Gouvènè Hochul te deklare.** "Ajans eta yo pral rete pare pou reponn ak demann asistans lokal yo pandan wikenn nan. Mwen egzòte tout moun pou siveye move tan an epi asire w ke ou planifye aktivite yo kòm sadwa."

Komisè Divizyon Sekirite Teritwa ak Sèvis pou Ijans Eta New York la, Jackie Bray, te deklare, "Tanpèt ak gwo lapli atravè eta a ka lakòz inondasyon nan zòn ki te deja konstate lapli semèn sa a. Ekip mwen an pare pou bay asistans pou patnè nou yo nan nivo lokal jan sa nesèsè. Siveye depre previzyon wikenn sa a epi rete vijilan."

Pou kapab jwenn yon lis konplè sou alèt ak previzyon meteyo yo, vizite sit entènèt Sèvis Meteyowolojik Nasyonal (National Weather Service) la nan <https://alerts.weather.gov>.

Nou ankouraje Nouyòkè yo pou enskri pou alèt ijans lè yo abone nan Alèt NY nan alert.ny.gov, yon sèvis gratis ki bay enfòmasyon ijans gratis sou telefòn ak òdinatè ou.

Preparasyon Ajans Eta yo

Divizyon Sekirite Teritwa ak Sèvis pou Ijans yo

Sant Operasyon Ijans Divizyon Sekirite Teritwa ak Sèvis pou Ijans Eta New York la ap kontwòle tan ak kondisyon deplasman yo, epi kowòdone tout bezwen repons yo ak gouvènman lokal yo. Anplwaye Jesyon Ensandi ak Ijans Eta a yo ekipe ak prepare pou reponn, nan ka ta gen inondasyon toudenkou.

Depatman Transpò

Depatman Transpò Eta a ap siveye kondisyon meteyo yo epi li prepare pou reponn avèk plis pase 3,470 sipèvizè ak operatè. Tout anplwaye sou teren yo disponib pou angaje konplètman epi entèvni. Yo ka konfigire anplwaye yo nan nenpòt ki kalite ekipaj repons ki nesèsè (entèvansyon kont inondasyon, dechiktez, chajman ak transpò, vidaj egou, koup ak lans, siyal sikilasyon, elatriye). Ekip yo ap verifye epi netwaye estrikti drenaj yo pou asire ke yo pa gen okenn debri ak obstak.

Kantite ekipman ki genyen nan tout Eta a repati konsa:

- 1,427 gwo kamyon abèn baskil
- 323 gwo chajè
- 84 ekskavatis sou ray ak sou kawotchou
- 87 dechiktèz
- 19 aparèy pou fè nivèlman
- 18 kamyon aspiratè ak jè egou
- 15 ekip pou pyebwa avèk kamyon nasèl

Otorite Thruway

Otorite Thruway la genyen 654 operatè ak sipèvizè ki prepare pou reponn a nenpòt pwoblèm ki an rapò ak van oswa inondasyon nan tout Eta a yo avèk eskavatis ki piti pou rive nan sa ki gen tay mwayen yo, kamyon chasnèj/baskil yo, gwo kamyon chajè yo, pano VMS pòtab yo, poto limyè pòtab yo, jeneratris ki pi piti yo, ponp ki pi piti ak trelè pou transpòte ekipman yo, ansanm ak aparèy siyalizasyon ak lòt aparèy kontwòl sikilasyon ki disponib pou nenpòt detou oswa fèmte yo. Yo itilize Pano pou Mesaj Varyab (Variable Message Signs) ak rezo sosyal yo pou avèti otomobilis yo sou kondisyon move tan pandan yo sou Thruway la.

Kantite ekipman ki genyen nan tout Eta a repati konsa:

- 362 gwo kamyon baskil abèn ak ti kamyon
- 59 Gwo Chajè

- 33 Trelè
- 6 Kamyon Aspiratè
- 12 Ekskavatris
- 8 dechiktèz ak bwòs
- 100 Twonsonez
- 23 kamyon aeryen
- 22 Chajez ak Direksyon
- 83 Jeneratris Pòtab
- 67 Inite Ekleraj Pòtab

Otorite Thruway (Thruway Authority) a ankouraje otomobilis yo telechaje [aplikasyon mobil](#) li a ki disponib pou telechaje gratis sou aparèy [iPhone](#) ak [Android](#) yo. Aplikasyon an bay otomobilis yo aksè dirèk ak kamera sikilasyon yo nan tan reyèl, enfòmasyon sou sikilasyon an nan tan reyèl, ansanm avèk asistans pou navigasyon pandan yo sou wout. Otomobilis yo ka enskri tou pou imèl [TRANSalert](#) ki bay dènye kondisyon sikilasyon yo sou otowout Thruway, suiv [@ThruwayTraffic](#) sou Twitter epi vizite [thruway.ny.gov](#) pou wè yon kat anime k ap montre kondisyon sikilasyon an sou otowout Thruway ansanm avèk lòt wout Eta New York yo.

Depatman Konsèvasyon Anviwònmanal

Ofisye lapolis Depatman Konsèvasyon Anviwònmanal la, Gad Forè, anplwaye jesyon ijans yo ak pèsònèl rejyonal yo an alèt epi yo ap siveye kondisyon meteyo yo. Pèsònèl DEC la ap fè patwouy aktivman nan zòn ak enfrastrikti ki gendwa afekte pa move tan—ki gen ladan gwo lapli ak inondasyon lokal yo—epi yo pral travay nan tèt kole ak ajans eta ak lokal yo pou kowòdone ekipman rediksyon inondasyon ki gen ladan ponp ak sak sab nan ka diminisyon an ta nesèsè pou pwoteje kay, biznis oswa enfrastrikti yo. Tout resous ki disponib yo, ki gen ladan ekip rapid pou sovtaf nan dlo yo nan pozisyon pou yo ede nan nenpòt repons ijans.

Biwo Pak, Lwazi ak Konsèvasyon Istorik (Office of Parks, Recreation and Historic Preservation)

Lapolis Pak Eta New York ak anplwaye pak yo rete alète epi y ap swiv depre kondisyon metewolojik ak enpak yo. Vizitè pak yo dwe vizite <https://parks.ny.gov>, tcheke aplikasyon mobil gratis NY State Parks Explorer oswa rele biwo pak lokal yo pou yo jwenn dènye nouvèl konsènan lè fonksyonman pak yo, lè ouvèti ak fèmti yo.

Depatman Sèvis Piblik

Sèvis piblik New York yo genyen apeprè 5,500 travayè disponib pou angaje nan evalyasyon domaj, efò entèvansyon, reparasyon ak restorasyon atravè Eta New York, pou evènman sa a. Pèsònèl ajans lan ap swiv travay sèvis piblik yo pandan tout evènman an epi sire sèvis piblik yo voye anplwaye apwopriye yo nan rejyon ki gen pi gwo enpak yo.

Lapolis Eta New York

Lapolis Eta a prepare pou li deplwaye manm Patwouy anplis, jan sa nesèsè, pou ede zòn ki afekte yo. Tout veyikil Lapolis Eta a ki espesyalize yo, tankou veyikil kat-pa-kat

ak veyikil itilite yo (UTV) prè pou yo reponn imedyatman. Yo te teste tout ekipman alimentasyon elektrik ak ekipman komunikasyon ijans Twoup la yo.

Otorite Transpò Metwopoliten

Otorite Transpò Metwopoliten an ap siveye kondisyon meteyowolojik yo depre pou asire sèvis san danje ak fyab. Anplwaye MTA yo ap pare pou entèni kont tout pwoblèm ki lye ak kondisyon meteyo yo epi retire tout pye bwa ki ta ka tonbe sou wout yo. Nou ankouraje kliyan yo tcheke new.mta.info pou dènye mizajou sou sèvis. Kliyan yo tou ta dwe enskri pou sèvis alèt an tan reyèl yo atravè mesaj tèks oswa imèl. Alèt sa yo disponib tou atravè aplikasyon MTA yo: MYmta ak TrainTime.

Otorite Pòtyè (Port Authority)

Otorite Pòtyè a ap siveye kondisyon meteyowolojik yo. Restriksyon pou vitès yo gendwa an vigè nan pon yo, ansanm ak wout pou ale ak pou sòti nan kafou yo. Yo ap ankouraje pasaje atravè enstalasyon Otorite Pòtyè yo pou kontakte konpayi otobis ak liy ayeryèn yo dirèkteman pou dènye enfòmasyon sou reta ak anilasyon.

Pou dènye enfòmasyon yo sou etablisman Otorite Pòtyè yo, tanpri tcheke rezo sosyal yo, enskri pou [alèt PA](#) yo oswa telechaje youn nan aplikasyon mobil PA yo, ki enkli [RidePATH](#) ki bay mizajou nan tan reyèl ak alèt pou sèvis PATH.

Konsèy Sekirite pou Move Tan

Founiti nan Ka Katastwòf

Kenbe twous katastwòf la sou men, avèk ladan:

- Flach ak pil siplemantè
- Radyo ki fonksyone ak batri ak batri ekstra yo
- Twous premye swen ak manyèl
- Manje ak dlo pou ijans
- Kle ki pa elektrik pou ouvri kanèt yo
- Medsin esansyèl yo
- Chekye, lajan kach, kat kredi, kat ATM

Inondasyon Eklè

- Pa janm eseye kondi nan yon wout ki inonde. Vire tounen epi fè yon lòt wout.
- Si dlo a kòmanse monte rapid bò kote ou, abandone machin lan imedyatman.
- Pa souzestime pwisans destriksyon dlo k ap kouri vit. De pye dlo inondasyon k ap kouri rapid pral fè machin ou flote epi dlo k ap kouri ak yon vitès 3.2 kilomèt pa èdtan ka pote ale machin ki sou wout oswa sou yon pon.

Zeklè

- Swiv enstwiksyon 30-30: Si tan ant moman ou wè ekla zeklè an epi koute kout loraj la se 30 segonn oswa mwens, kout zeklè an pre ase pou li frape ou. Chècheabri imedyatman. Apre dènye ekla zeklè an, rete tann 30 minit anvan ou soti nanabri ou an.

- Kout zèklè yo frape bagay ki pi wo an. Si ou sou yon liy pye bwa, kouri ale anba l epi kwoupi si ou nan yon zòn ki ekspoze.
- Si ou pa kapab ale nan yonabri, rete lwen pye bwa yo. Si pa genabri, kwoupi nan zòn ki ekspoze, epi rete lwen a yon distans doub fwa longè pye bwa a.

Tònad

- Si ou deyò, epi yo pibliye yon Avètisman Tònad, chècheabri imedyatman. Si w pa gen okenn kote tou prè w pou w mete w alabri, kouche plat atè nan yon fose oswa yon kote ki ba epi mete men w sou tèt ou.
- Si ou lakay ou oswa nan yon ti bilding, ale nan sousòl lan oswa nan yon pyès pa andedan nan etaj ki pi ba a. Pa kanpe bò fenèt yo. Plaka, chanm deben, ak lòt espas chanm enteryè yo ap pwoteje w pi byen. Antre anba yon bagay ki solid oswa kouvri tèt ou ak yon matla.
- Si ou nan yon lekòl, yon lopital, oswa yon sant komèsyal, ale nan zònabri yo deziyen alavans lan. Pa kanpe nan espas ouvè ki laj yo aswa bò fenèt yo. Pa soti deyò pou al nan machin ou.
- Si ou nan yon bilding ki wo anpil, ale nan yon ti pyès pa andedan oswa nan koulwa nan etaj ki pi ba posibil lan. Pa pran asansè - pran eskalye pito.

Pou jwenn plis enfòmasyon sou preparasyon pèsonèl ak kijan pou rete an sekirite pandan move tan vizite: dhses.ny.gov/safety-and-prevention.

###

Lèt nou vèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)